

DISPUT

COMPOSET A NEVEZ

ETRE

UL LEONARD HAC UR C'HERNEVOT



SELAOUIT hac e clêfot, hac e clêfot
Un Disput so compozet a nevez ar bloa
Zo grêt gant ur C'hernevot ha gant ul Leonard,
Ebars sautier Tregueris o fumi ur c'horniad.

Nac er bloavez mil eiz cant ouспен seiz ha tregont,
Eo bet savet an disput un nebeut divergont;
Pepini a bretante difen caus e gontre :
Deut d'o c'hlevet o tisput an eil ouz eguile.

Ar C'hernevot.

Ar C'hernevot a c'houlenn diouz ar pot a Leon :
Lavar din pez pansion a c'heus en da ganton;
Te na c'heus qet a grampeoz na galetez ive :
Me, va mignon, em beus an eil hac eguile.

Al Leonard.

Tao din demeus da grampeoz, da c'haletez ive,
Ne c'houlennan' nep feçon an eil nac eguile :
Ro din un tam qig eugen hac eun tamie qig moc'h
Da zebri gant farz gūiniz, a zo delicatoc'h.

Ar C'hernevot.

Tao din divar ben ar c'hig, se n'eo qet un dra vad;
Parlant din demeus ar yod a gavân delicat :
Ro din un tam yod silet hac ur banne lèz tro,
Me lézo ar c'hig eugen gant an neb a garo.

Al Leonard.

Trahissa res, va mignon, bremân da santimant;
Evit paea da fermou e ranqes caout arc'hant;
En ezom deus a arc'hant e teuez d'o guerza,
Ha ni, entrezomp, Leonis, a voar dont d'o laza.

Ar C'hernevot.

Credi a ràn, va mignon, nac e mout da farçal;
Peneverde ma teuez em brò da glasq segal,
E viges bet perisset, rac ne poa qet a hed;
E blaveziou ar guernez, ni n'eus da recouret.

Al Leonard.

Ah! ah! eme'l Leonard, mad ec'h eus grêt toulla;
Dont a vouie Qernevis e Leon da glasq bara.
Peneverde Leonis, dre ma zint oll tud vrao
O devije bet Qernevis assar mad var o fao.

Ar C'hernevot.

Un tamic out effrontet, Leonard, bragou-brâs;
Ma ve grêt dide prouvi, e vez nec'het, siouas!
Lavaret ve Qernevis en da vrò o clasq boued;
Ma ve grêt dit er zouten, meus aon na vez nec'het.

Al Leonard.

Hac e ranqen caout testou, memes deus da gontre,
Hac e tefote cant din a so c'hoas en bue,
Pere so bet soulajet ganemp-ni en hor brò,
Hac a drugare Doue n'en dint qet oll maro.

Ar C'hernevot.

Credi a ràn, va mignon, na c'heus sur tam rêson,
Qerse gafe Qernevis rancout mont e Leon,
Goude beza bet maguet a grampoez, galetez,
Rancout monet e Leon da zebri patates.

Al Leonard.

Poan a res din em c'halon, o clêvet da gomzou;
Me meus guelet Qernevis na pa vijent em brô,
O sailla gant ar goachen goude sila ar yod
Gant ar c'hol ha patates, pa ellent, vel tud sot.

Ar C'hernevot.

Evit na col na panes na zeus qet em c'hontre,
Mes beza em eus irvin ha patates ive;
Traou int an excellanta evit ober souben,
Laqat assambles ganto un nebeudic trinchen.

Al Leonard.

Scuiza a rez ac'hanòn, poan a rez din em pen
Gant da irvin, patates, hac ive da drinchen:
Ar seurt-se a vez roet em brô d'ar chatal mud;
Nonpas da oza souben da bresanti d'an dud.

Ar C'hernevot.

Hansav din da lugumach evi ober souben,
Pe rez fae var irvin, patatez ha trinchen;
Rac evit ebars em brô ne zeus qen nemeto:
Noblanç ha paysantet, oll a zreb anezo.

Al Leonard.

Al lugumach em brô-me zo pour ha carotes,
Oignon, col-guen, col milan, ouspen hor bez rabez;
Istr, fao hor bez ive, col-fleur hac articho:
Cetu eno'l lugumach a implijer em brô.

Ar C'hernevot.

Consanti ràn qementse na ganez, va mignon ;
Mes n'oar qet qer caer gūisqet en escopi Leon
Evel ma zeo Qernevis gant o chupennou gloan
Hac o chupennou mezer a vez ganto dindan.

Al Leonard.

Tao din, eme'l Leonard, gant ta chupennou gloan
Ha da chupennou mezer a vez ganez dindan.
Da vragueyer discaret ha da c'hourigoù ler :
Ni entrezomp Leonis a zoug oll en mezer.

Ar C'hernevot.

Güir mad e zeo qementse ganez-te, va mignon :
Mezer caer zo en Leon, mes grêt int difêçon ;
Ispicial ar goazet a gavàn divalo,
Rac calz anê zo cazi collet en o bragou.

Al Leonard.

Nac ar botret e Qerne o deus roqedennou
A so grêt evel sier da zouguen sac'hadou ;
O bragueyer zo formet a ziou pe deir riden,
O frennestou zo goal vras da chom hep stalafen.

Ar C'hernevot.

Nac ar merc'het a Leon o deus coefeyer bras,
Na pa vezont-i fachel e vez cruel o faç ;
Mes ar merc'het en Qerne o deus coefeyer bêr
Tout int laouen a visach, tout o c'havrer ceder.

Al Leonard.

Tao din a verc'het Qerne gant o c'hoefeyer ber
A zo endro d'o bisach eguis un torchouer ;
Lostou o deus o c'hernou, eguis ar zaout em brô,
Vit en em zigueliena e servichont dezo.

Ar C'hernevot.

Ne allàn mui contesti, cedi a ràn ganez ;
Ne get possubl resista eneb ar virionez.
Me a baeo boutaillad eus a greis va c'halon
Eyt en em unani ganez, pot a Leon.

Al Leonard.

Cetu ni camaradet, ar C'hernevot ha me,
Ne vezo den incredul demeus a guementse.
Un dra zo bet prouvet dirac calz eus a dud,
Ar rêzon-mâ a finis etrezo an Disput.

Al Leonard hac ar C'hernevot.

Ar son-mâ so composet gant ur Breiziad farcer,
A hanavez tud Qerne, re Leon ha Treguer ;
Oll int lapinet subtil, mignonet a fêçon,
Hac en ped amzer oll dign eus an titr a Vretoa.

Hac en peoc'h hac en brezel o deus ar santimant
Eus a botrèt courajus, dudius ha vaillant,
Ha mar be ret dê un deiz, neus fors en pez tachen,
E vo cavet adare *Celtiqet tor-e-ben,*

AR C'HEMENER.

Var ton : *Calz a amzer ameus collet.*

EUR C'hemener ne deo get den,
Fardi bidao, oao, oao, oao, oao ;
Eur C'hemener ne deo get den,
Neo nemet eur C'hemener hepquen.

Ne dle qet beza entêret,
Fardi bidao, oao, oao, oao, oao;
Ne dle qet beza entêret
Nac en ilis nac er vêret.

Hoguen e corn ur soulet qerc'h,
Fardi bidao, oao, oao, oao, oao;
Hoguen e corn ur soulet qerc'h,
Oll chass ar baros var e lerc'h.

Ha peb a gaz ha peb a gui,
Fardi bidao, oao, oao, oao, oao;
Ha peb a gaz ha peb a gui
Peb a lunedou var o fri.

Ha peb a fleur en o guinaou,
Fardi bidao, oao, oao, oao, oao;
Ha peb a fleur en o guinaou
Da gana *Requiem* da vuntrer al laou.

Pa ha'r C'hemener d'an dançou,
Fardi bidao, oao, oao, oao, oao;
Pa ha'r C'hemener d'an dançou,
E carg e sac'h a vesqennou.

Evit ma laro ar merc'het coant,
Fardi bidao, oao, oao, oao, oao;
Evit ma laro ar merc'het coant;
Ar C'hemener en deus arc'hant.

Pa ha'r C'hemener da c'hriat,
Fardi bidao, oao, oao, oao, oao;
Pa ha'r C'hemener da c'hriat,
Ne ra nemet cana ha c'houtellat.

Nemet cana, cravat e ben,
Fardi bidao, oao, oao, oao, oao;
Nemet cana, cravat e ben,
Ha muntra al laou hac ar c'hoen.

CHANSON

VAR SUJET AL LABOURERIEN DOUAR.

SELAOUIT oll, hac e cléfot eur guentel
A zo grêt a nevez var buez al Labourer ;
Un etat a zo poannius, n'o deus qet calz a repos,
Neb e gra gant paciantet a c'honit ar Barados.

Eul Labourer en em expos d'an amzer,
Qercoulz d'ar yenien evel pa vez an domder ;
Pa vez erc'h, scorn, caserc'h, grizill, curen, glao hacavel.
Baleit, hac qefot ato en e barq al Labourer.

Eul Labourer zo habillet e lien,
Ne ve qet brao bemdez evel ma ve ar vourc'hizien ;
E habit zo struillennec, gant an douar labeet,
Calz a dud a renq e gaout, hac a granch ous e velet.

Differanç a zo etre cundu ar bourc'hizien
Hac an hini a ra lod demeus al labourerien :
Ar re-ze o deus qig ha pesqet, bara guen, souben vad bepret,
Hac eul Labourer, tamou yot, bara sec'h ha dour bervet.

Eul Labourer, baleet elec'h ma caro
A vezo qaqetet, calz a dud en disprizo ;
Gouscoude qement zo er bed, mar qeront dont da sònja,
Eo divar goust al Labourer e ma ar bed oll e veva.

D'ar c'henta poent, e ranqo eul Labourer
Paea taill d'ar roue bep bloas un teir pe peder.
D'an eil pa ranqo paea é vestr, ma na vez prest e arc'hant,
E yezo foar var e zanves : homàn eo an nec'hamant.

D'an drede, e renq paea an deog d'ar person,
Evel ma zeo ar c'hustum, qementse a zo rézon,
Ha rei o c'hest d'ar véleyen, an aluzen d'ar beorien;
Hac evit na fazint qet, ar güir d'o servicherien,

D'ar bévare, pa zemeer ar vugale,
E renqer o argouli, an danvez a izel neuze;
Ha mar be rust ar mibien-caer, antronos goude eureuji,
Ma na ve prest an argoulou, er pillint evel bleizi.

D'ar bempet poent, mar sonch dont da brocedi,
E renq caout eur yalc'had vad a arc'hant da zistribui:
Neus nac avocat na procuror, greffier, huissier na serjant
A rae an distera tol pluen evitan anes caout arc'hant.

D'ar c'houec'hvet poent, e renqo laqat evez
Da zional eus an tan da gregui en e zanves;
Ennes a zo un elemant pa ve eur vech alumet,
A laqa calz da vont d'ar bas, ha memes da glasq o boued.

Ar seizvet eo al laeron gant o oll ardou,
A binç eul Labourer hac a fouill e c'hodellou;
Ha pa ell attrap ar yalc'h, netra gantàn na lezer;
Cetu penos goude e oll boan e za madoù al Labourer.

Eul Labourer c'hoas a vezo caqetet,
Hac e zanves o vont, n'en deus guer da lavaret.
Endra ma e mà o conta e arc'hant, migaon a c'hoarze dezàn,
Ma c'hallent e guignat e raent, hac ober goab auezàn.

Ar chanson-mà a ganer etrezoc'h, Bretonet,
Var un êc excellent a nevez eo composet,
Rac-se ta, me ho suppli da brena peb a gopi,
Evit e leon ha passeal ho chagrin ha melconi.

FIN.

E Montroulez, eus a Imprimeri LÉDAN.

